



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1725. usque ad annum 1728

Fleury, Claude

August. Vind. [u.a.], 1784

VD18 13322648

§. 54. Passaviensis Capituli oppositio contra præfatam districtus cellionem
ab Episcopo factam.

[urn:nbn:de:hbz:466:1-67667](https://nbn-resolving.org/urn:nbn:de:hbz:466:1-67667)

„eundem Pataviensem Episcopum ejus-
 „que Successores afficere & obligare
 „omnino intelligatur, ita ut ille vel
 „illi nullum alium nisi Salisburgensem
 „Archiepiscopum eligere valeant, & ad
 „Concilium Provinciale prædictum ac-
 „cedere omnino teneantur.”

Sæc. XVIII.
 A. C. 1728.

Promulgata hac Pontificis decisio-
 ne Salisburgensi Archiepiscopo nil re-
 liquum erat, nisi jus suas exponendi
 querelas, & protestationes, quas ut-
 pote adhuc licitas ipsa Sedes Romana
 nec ægre fert, nec ferre potest; quo-
 circa etiam hic Archipræsul, Romæ
 & Viennæ in comitiis desuper recla-
 mabat, ac vehementer de hac con-
 cessione querebatur, uti suo loco re-
 feremus.

§. LIV.

*Passaviensis Capituli oppositio con-
 tra dictam cessionem ab Episcopo
 factam.*

Postquam Carolus VI. Imperator (ut *vide supra*
 supra meminimus) Viennensem l. 221. t. 71.
 Ecclesiam ad Archiepiscopalem evehi pag. 151.
 obtinuerat, ad ampliandam hanc Diæ-
 cesin illum districtum, qui se infra Vien-
 nensem Sylvam protendit, a Passa-
 viensi Ecclesia avelli, ac Viennensi
 auctoritate Apostolica adjici petiit. Ob-

X x 2

lucta-

Sæc. XVIII.
A. C. 1728.

luctabatur aliquamdiu Josephus Dominicus Passaviensis Episcopus, tandem vero Pontificis æque ac Cæsaris petito cessit, eoquod præter Archiepiscopalem dignitatem insuper suæ Diæcesis exemptionem a Metropolitana jurisdictione Salisburgensi a Papa ad impensas Imperatoris preces impetrasset. Verum adversus hanc cessionem vehementer reclamabant Passavienses Canonici, qui Capituli sui Syndicum Ratisbonam ad Imperii comitia ablegarunt unacum libello supplici, quem cunctis Catholicis Principibus eorumque Legatis tradi jusserunt, atque in eo graviter questi sunt, quod annuente etiam Papa haud ignobilis ditionum pars a Passaviensi Diæcesi sejuncta, Viennensi Archiepiscopatu non sine maximo Capituli præjudicio adjecta fuerit. Eundem quoque Syndicum Viennam deputabant, ubi nullum non movit lapidem, ut hujus cessionis executionem præpediret. Hunc in finem præcipue Syndicus exposuit, quod Cæsarea sua Majestas in suæ capitulationis Articulo I. & decimo sexto solemniter pollicita sit, se cunctos Imperii Status, necnon Ecclesias in suis ditionibus juribusque contra quoscunque insultus & damna egregie protecturam, imo etiam in suis literis Mense

No-

Novembri Anno 1719. ad Papam datis
 declarasset, quod *Viennensis Archiepi-* Sæc. XVIII.
scopatus erectio cum nullius damno fieret: A. C. 1728.
 nunc vero Passaviensi Capitulo duæ
 Abbatix, Præpositura & celebre Car-
 thusianorum Cænobium unacum sexa-
 ginta novem Parochiis non sine maxi-
 mo hujus Episcopatus præjudicio ab-
 riperentur.

Cum autem præfatus libellus sup-
 plex asperis oppido verbis conceptus
 esset, hinc non modo plures Imperii
 Principes, sed ipse etiam Cæsar gra-
 viter inde offendebantur. Ea de causa
 Carolus VI. Imperator datis ad Passa-
 viense Capitulum literis exponerat, se
 quidem haud ignorare, quoddam scri-
 ptum circa paucorum oppidorum ces-
 sionem nomine Passaviensis Capituli
 prodiisse, & ad Principum Legatos in
 Imperii comitiis agentes fuisse trans-
 missum, summopere tamen Cæsareæ
 suæ Majestati displicere, quod non
 modo species facti minus genuine fuis-
 set exposita, sed & Passaviensi Episcopo
 æque ac Viennensi Cardinali & Archi-
 episcopo contra fas multa sat injuriosa
 fuissent imputata, ac insuper seposita
 omni reverentia tam Pontifici quam
 Cæsari debita ingratus ille Scriptor be-
 neficia & Sacræ Cæsareæ Majestatis
 patrocinium, quod hujus Capituli Præ-

Sæc. XVIII.
A. C. 1728

decessores contra Salisburgensis Archiepiscopi vehementissimas oppositiones toties tamque ardentem, testantibus actis, implorassent, flocci haberet; Suam equidem Majestatem credere, Canonicos nullam in hoc scripto, quod a tam protervo calamo profluxisset, partem habuisse, præcipue cum ferme omnes suæ Majestatis clientes, subditi ac Vasalli essent; proin, illos debitæ erga suum territorialem Dominum reverentiæ memores in re jamjam composita & pene confecta nil ultra moturos, nihilominus tamen Sacram suam Majestatem confidere, eosque hortari, ut Canonici de hujus libelli indignitate convicti ab oppositionibus tam in re, quam in modo illicitis recessuri, eaque arrepturi essent consilia, ne Imperator ad tuendum suum & Pontificis honorem, debitamque venerationem acerbiora remedia adhibere cogeretur &c.

Hoc idem Capituli scriptum Imperator Romam ad Cardinalem Cienfuegos Cæsareum Ministrum transmisit, hæc perscribens: *non modo mea, sed & Pontificis interest, ut tam proterva scribendi licentia, & nonnisi falsis narratis innixa sese opponendi ratio coerceretur, eapropter confido, Pontificem sua sponte intentum fore, ut a veritatis tramite devit ad reverentiæ & obsequii limites tam moni-*
tis,

tis, quam aliis opportunis mediis reducan- Sæc. XVIII.
 tur. Hæc Imperatoris iussa Cardina- A. C. 1728.
 lis tam solerter apud summum Pon-
 tificem urgebat, ut hic die decima
 sexta Decembris ad Passavienses Cano-
 nicos sequens transmitteret diploma:

Dilecti Filii, Salutem &c.

„Tam decoris, amplisque conditio-
 „nibus tantaque cum Passaviensis Ec-
 „clesiæ utilitate certatim Apostolica &
 „Cæsarea benignitas rependere studuit
 „Diæcesis istius partem Viennensi Me-
 „tropoli adjectam, ut a Vestra filiali
 „observantia grati animi testimonium
 „vestro nomine ac virtute dignum jure
 „ac merito expectaremus; sed ea spes
 „ita nos fefellit, ut incredibili potius
 „cum dolore actus, a pristinæ vestræ
 „obedientiæ exemplis prorsus alienos
 „acceperimus. Auctam enim Ecclesiæ
 „vestræ dignitatem, quæ cæteris ra-
 „tionibus filiali gratulatione antefe-
 „renda erat, parvi pendentis, Eccle-
 „siasticæ Disciplinæ documentis, &
 „reverentiæ officiis Episcopo & Patri
 „vestro debitis ita defuistis, ut nihil
 „ordini vestro minus consentaneum esse
 „possit, aut Sacrorum Canonum præ-
 „scriptis magis adversum. Optandum
 „profecto fuisset, ne ad honoris vestri

Sæc. XVIII. „detrimentum ea consilia & cæpta
 A. C. 1728 „longius manarent, nec fuisset exiguum
 „molestiæ nostræ lenimentum, si re-
 „sipiscentiæ suadente spe aliquamdiu
 „diffimulari potuissent. At animorum
 „æstus eo demum evasit, ut palam late-
 „que indecoras & Venerabili Fratri Epi-
 „scopo Passaviensi injurias atque adeo
 „in Apostolici Judicii & Cæsareæ pieta-
 „tis offensionem redituras conquæstio-
 „nes proferre & propalare non dubitare-
 „tis. Neque tamen iis vos finibus conti-
 „nuistis, sed Capitulare quoque Statutum
 „condidistis de mensa Episcopali & of-
 „ficio pro more gentis communione
 „cum eodem nunquam admittenda,
 „ut nimirum præpostere facta publicis
 „etiam consignata monumentis exta-
 „rent. Ingemiscimus sane vehemen-
 „ter, Dilecti Filii & Episcopalem digni-
 „tatem disciplinamque Canonicam gra-
 „viter violatam, hæreticamque adeo
 „nomini vestro maculam (adsersam).
 „In tanti vulneris acerbitate reputan-
 „tes ministerium nostrum implere, ve-
 „stroque officio & honori consulere
 „omnino debemus. Acta igitur & li-
 „bellos & quæcumque a vobis in hac
 „caussa & contra Episcopum scripta, e-
 „dita & gesta sunt, nulla prorsus &
 „irrita esse decernimus, & declaramus,
 „vobisque districte præcipimus & man-
 „da-

„damus, ut intra duos menses a die, Sæc. XVIII.
 „qua vobis hæ nostræ in forma brevis A. C. 1728.
 „literæ traditæ fuerint, res ejusmodi
 „perperam gestas & illatas Venerabili
 „Fratri Episcopo vestro injurias idonea
 „debitaque satisfactione reparetis; sta-
 „tutum vero antedictum omnino re-
 „vocetis atque a tabulis Capitularibus
 „deleatis. Confidimus autem, vos
 „sedulo cogituros, quam absônæ fue-
 „rint æquitati & rationi collatisque
 „in Passaviensem Ecclesiam beneficiis
 „querelæ vestræ, neque commissuros,
 „ut scandalis avertendis & injuriis e-
 „mendandis necessaria esse ulteriora
 „remedia videantur. Ac vobis, Di-
 „lecti Filii Apostolicam benedictionem
 „peramanter impertimur.,

§. LV.

*Salisburgensis Principis & Archiepi-
 scopi querelæ contra Passa-
 vienses.*

Hoc item anno Mense Septembri Leo- Vide supra
 poldus de Firmian Archiepiscopus pag. 691.
 & Princeps Salisburgensis querelam
 ad Ratisbonensia Imperii comitia de-
 tulit, eoquod Passaviensis Episcopus
 totam suam Diæcesin ab ejus Archi-
 episcopali jurisdictione eximi per Pon-
 tificis Breve obtinuisset, non sine ma-

Xx 5 ximo